

**ՀԻՄՆԱԴՐԱՄՆԵՐԻ ԿՈՂՄԻՑ ՀՐԱՊԱՐԱԿՎՈՂ ՀԱՇՎԵՏՎՈՒԹՅԱՆ
 ՀԱՍՏԱՏՎԱԾ Է
 Հիմնադրամի հոգաբարձուների
 խորհրդի 25-06-2025 թ. որոշմամբ
 «ԿՈՐՊՈՐԱՏԻՎ ԿԱՌԱՎԱՐՄԱՆ ԿԵՆՏՐՈՆ»
 Հ Ա Շ Վ Ե Տ Վ ՈՒ Թ Յ ՈՒ Ն
 հիմնադրամի 2024 թ. գործունեության մասին**

1. Հիմնադրամի՝		
1.1 Լրիվ անվանումը	ԿՈՐՊՈՐԱՏԻՎ ԿԱՌԱՎԱՐՄԱՆ ԿԵՆՏՐՈՆ	
1.2 Գտնվելու վայրը	ԵՐԵՎԱՆ ԱՐԱԲԿԻՐ ԱՐԱԲԿԻՐ ԹԱՂԱՄԱՍ ԳՅՈՒԼԲԵՆԿՅԱՆ 30/3 ԳՐ. 129	
1.3 Պետական գրանցման համարը	286.160.04439	
1.4 Պետական գրանցման տարին, ամիսը, ամսաթիվը	2002-01-10	
1.5 ՀՎՀՀ-ն	02560496	
1.6 Հեռախոսը (այդ թվում՝ բջջային)	+(374)99444442	
1.7 Պաշտոնական ինտերնետային կայքը	corpgov.am	
1.8 Էլեկտրոնային փոստը	corpgov@corpgov.am	
2. Հիմնադրի անուն, ազգանուն կամ անվանում՝		
Տիգրան Կարապետյան		
Աշոտ Եղիազարյան		
3. Հոգաբարձուների խորհրդի անդամների անուն, ազգանուն՝		
Տիգրան Կարապետյան		
Վահե Գարոյան		
Արթուր Խերոյան		
4. Կառավարչի անուն, ազգանուն՝		
Նարինե Մելիքյան		
5. Աշխատակազմում ընդգրկված անձանց քանակը	1	
6. Անձեռնմխելի կապիտալի չափը	0	
7. Անձեռնմխելի կապիտալի կառավարումից ստացված եկամուտ	0	
8. Ֆինանսավորման աղբյուրները՝		
8.1 Ֆինանսավորումն ըստ խմբերի	8.2 Ստացված ֆինանսական միջոցների նպատակը	8.3 Չափը
8.1.1 Պետական և համայնքային բյուջեներից դրամական մուտքեր		
8.1.2 Իրավաբանական անձանցից դրամական մուտքեր		
	ԲԲԱ տարեկան մասնակցություն	1,305,000
	ԿԱՍ ԲՐԻԴՋ ՖՈՆԴ II փայլի մարում	3,221,180

	Ուժեղ ասոցիացիաներ և պալատներ շահերի ուժեղ պաշտպաններ	200,000
	Կորպորատիվ կառավարման վերաբերյալ խորհրդատվական ծառայություն	600,000
	«ԿԱՆԱՆՅ ՏՆՏԵՍԱԿԱՆ ՀՆԱՐԱՎՈՐՈՒԹՅՈՒՆՆԵՐԻ ԿԵՆՏՐՈՆ. ԱՇԽԱՐՀՈՒՄ ՏՆՏԵՍՈՒԹՅԱՆ ՎԵՐԱԿԱՆԳՆՄԱՆ ՀԱՐՑՈՒՄ ԱԶԱԿՑԵԼ ԿԻՆ ԱՌԱՋՆՈՐԴՆԵՐԻՆ»	1,597,130
	ԵՎՐԱՍԻԱ ՏԱՐԱԾԱՇՐՋԱՆԱՅԻՆ. ներառական և էթիկական գործարար առաջնորդության խթանում	6,899,930
	ԵՎՐԱՍԻԱ ՏԱՐԱԾԱՇՐՋԱՆԱՅԻՆ. ներառական և էթիկական գործարար առաջնորդության խթանում	9,683,349
	ԵՎՐԱՍԻԱ ՏԱՐԱԾԱՇՐՋԱՆԱՅԻՆ. ներառական և էթիկական գործարար առաջնորդության խթանում	9,683,349
8.1.3 Ֆիզիկական անձանցից դրամական մուտքեր		
	փոխառություն	1,000,000
	Հայ կանայք տնօրենների խորհրդում	990,000
	նվիրաբերություն	2,600,000
9. Հիմնադրի ներդրումը`		
9.1 Դրամական միջոցներ		
9.2 Գույք	9.2.1 Տեսակը	9.2.2 Արժեքը
10. Նվիրատվությունները/ նվիրաբերությունները		
10.1 Նվիրատուները/նվիրաբերողներն ըստ խմբերի`	10.2 Նվիրված/նվիրաբերված գույք	
	10.2.1 Տեսակը	10.2.2 Արժեքը
10.1.1 Հայաստանի Հանրապետություն/համայնքներ		
10.1.2 Իրավաբանական անձինք		
10.1.3 Ֆիզիկական անձինք		
11. Իրականացված ծրագրերը`		
11.1 Ծրագրի անվանումը	11.2 Ծախսված գումարը	
Ուժեղ ասոցիացիաներ և պալատներ շահերի ուժեղ պաշտպաններ	453,000	
ԵՎՐԱՍԻԱ ՏԱՐԱԾԱՇՐՋԱՆԱՅԻՆ. ներառական և էթիկական գործարար առաջնորդության խթանում- 1 փուլ	5,555,030	
ԵՎՐԱՍԻԱ ՏԱՐԱԾԱՇՐՋԱՆԱՅԻՆ. ներառական և էթիկական գործարար առաջնորդության խթանում- 2 փուլ	9,042,800	
ԵՎՐԱՍԻԱ ՏԱՐԱԾԱՇՐՋԱՆԱՅԻՆ. ներառական և էթիկական գործարար առաջնորդության խթանում- 3 փուլ	10,086,904	

Կորպորատիվ կառավարումը պետական մասնակցությամբ ընկերություններում. փաստահեն կատարելագործում և ջատագովում	1,937,249
12. Ֆինանսական տարում օգտագործված միջոցների ընդհանուր չափը	38,070,258
13. Կանոնադրական նպատակների իրականացմանն ուղղված ծախսերի չափը	27,074,983

Նշումներ՝

Ֆինանսական հաշվետվություններն ու ֆինանսական հաշվետվությունների վերաբերյալ աուդիտն իրականացնող անձի (աուդիտորի) եզրակացությունը՝ 21 էջերից:
 էջերի քանակը

Հիմնադրամի տնօրեն _____
 ստորագրությունը, անունը, ազգանունը

Գլխավոր հաշվապահ _____
 ստորագրությունը, անունը, ազգանունը

«ԿՈՐՊՈՐԱՏԻՎ ԿԱՌԱՎԱՐՄԱՆ ԿԵՆՏՐՈՆ» ՀԻՄՆԱԴՐԱՄ

2024Թ. ԴԵԿՏԵՄԲԵՐԻ 31-Ի ԴՐՈՒԹՅԱՄԲ
ԵՎ ԱՅԴ ԱՄՍԱԹՎԻՆ ԱՎԱՐՏՎԱԾ ՏԱՐՎԱ
ՖԻՆԱՆՍԱԿԱՆ ՀԱՇՎԵՏՎՈՒԹՅՈՒՆՆԵՐ

ԵՎ

ԱՆԿԱԽ ԱՌԻԴԻՏՈՐԱԿԱՆ ԵԶՐԱԿԱՑՈՒԹՅՈՒՆ

Բովանդակություն

Անկախ աուդիտորական եզրակացություն	3
Ֆինանսական հաշվետվություններ	
Ֆինանսական վիճակի մասին հաշվետվություն	6
Ֆինանսական արդյունքի մասին հաշվետվություն	7
Սեփական կապիտալում փոփոխությունների մասին հաշվետվություն	8
Դրամական հոսքերի մասին հաշվետվություն	9
Ֆինանսական հաշվետվություններին կից ծանոթագրություններ	10



ՀՀ, Երևան 0014, Պ. Սևակ 8; Հեռ.՝ (374 11) 60 70 81; info@tmaudit.am, www.tmaudit.am

ԱՆԿԱԽ ԱՌԻԴԻՏՈՐԱԿԱՆ ԵԶՐԱԿԱՑՈՒԹՅՈՒՆ

Ներկայացվում է «Կորպորատիվ կառավարման կենտրոն» հիմնադրամի հոգաբարձուների խորհրդին

Կարծիք

Մենք աուդիտի ենք ենթարկել «Կորպորատիվ կառավարման կենտրոն» հիմնադրամի (այսուհետ՝ Հիմնադրամ) կից ներկայացված ֆինանսական հաշվետվությունները, որոնք ներառում են ֆինանսական վիճակի մասին հաշվետվությունը՝ առ 31-ը դեկտեմբերի 2024թ., այդ ամսաթվին ավարտված տարվա համար ֆինանսական արդյունքի մասին, սեփական կապիտալում փոփոխությունների մասին և դրամական հոսքերի մասին հաշվետվությունները, ինչպես նաև ֆինանսական հաշվետվություններին կից ծանոթագրությունները, ներառյալ՝ հաշվապահական հաշվառման քաղաքականության նշանակալի մասերի վերաբերյալ համառոտագիրը:

Մեր կարծիքով, կից ֆինանսական հաշվետվությունները բոլոր էական առումներով ճշմարիտ են ներկայացնում Հիմնադրամի ֆինանսական վիճակը 2024թ. դեկտեմբերի 31-ի դրությամբ, ինչպես նաև այդ ամսաթվին ավարտված տարվա ֆինանսական արդյունքը և դրամական հոսքերը՝ համաձայն փոքր և միջին կազմակերպությունների ֆինանսական հաշվետվությունների միջազգային ստանդարտի (ՓՄԿ-ների ՖՀՄՄ):

Կարծիքի հիմք

Մենք աուդիտն իրականացրել ենք աուդիտի միջազգային ստանդարտներին (ԱՄՍ-ներ) համապատասխան: Այդ ստանդարտներից բխող մեր պատասխանատվությունը լրացուցիչ նկարագրված է այս եզրակացության «Աուդիտորի պատասխանատվությունը ֆինանսական հաշվետվությունների աուդիտի համար» բաժնում: Մենք անկախ ենք Հիմնադրամից՝ համաձայն Հաշվապահների էթիկայի միջազգային ստանդարտների խորհրդի կողմից հրապարակած Պրոֆեսիոնալ հաշվապահի էթիկայի կանոնագրքի (ՀԷՄՄԽ կանոնագիրք) և պահպանել ենք էթիկայի այլ պահանջները՝ համաձայն ՀՄԷՄԽ կանոնների: Համոզված ենք, որ ձեռք ենք բերել բավարար ու համապատասխան աուդիտորական ապացույցներ՝ մեր կարծիքն արտահայտելու համար:

Ղեկավարության և կառավարման օղակներում գտնվող անձանց պատասխանատվությունը ֆինանսական հաշվետվությունների համար

Հիմնադրամի ղեկավարությունը պատասխանատու է ՓՄԿ-ների ՖՀՄՄ-ի համաձայն ֆինանսական հաշվետվությունների պատրաստման և ճշմարիտ ներկայացման, և այնպիսի ներքին հսկողության համար, որն ըստ ղեկավարության, անհրաժեշտ է խարդախության կամ սխալի հետևանքով էական խեղաթյուրումներից զերծ ֆինանսական հաշվետվությունների պատրաստումը ապահովելու համար:

Ֆինանսական հաշվետվությունները պատրաստելիս՝ ղեկավարությունը պատասխանատու է Հիմնադրամի անընդհատ գործելու կարողության գնահատման համար՝ անհրաժեշտության դեպքում բացահայտելով անընդհատությանը վերաբերող հարցերը, ինչպես նաև հաշվապահական հաշվառման անընդհատության հիմունքը կիրառելու համար, եթե ղեկավարությունը չունի Հիմնադրամը լուծարելու կամ Հիմնադրամի գործունեությունը դադարեցնելու մտադրություն, կամ չունի այդպես չվարվելու որևէ իրատեսական այլընտրանք:

Կառավարման օղակներում գտնվող անձինք պատասխանատու են ֆինանսական հաշվետվողականության գործընթացի վերահսկման համար:

Աուդիտորի պատասխանատվությունը ֆինանսական հաշվետվությունների աուդիտի համար

Մեր նպատակն է ձեռք բերել ողջամիտ հավաստիացում առ այն, որ ֆինանսական հաշվետվությունները բոլոր էական առումներով զերծ են էական խեղաթյուրումներից, անկախ դրանց խարդախության կամ սխալի հետևանքով առաջացման հանգամանքից, և ներկայացնել մեր կարծիքը ներառող աուդիտորական եզրակացություն:

Ողջամիտ հավաստիացումը բարձր մակարդակի հավաստիացում է, բայց այն չի երաշխավորում, որ ԱՄՄ-ներին համապատասխան իրականացված աուդիտը միշտ կհայտնաբերի էական խեղաթյուրումը, երբ այն առկա է: Խեղաթյուրումները կարող են առաջանալ սխալի կամ խարդախության արդյունքում, և համարվում են էական, երբ խելամտորեն կարող է ակնկալվել, որ դրանք, առանձին կամ միասին վերցրած, կազդեն ֆինանսական հաշվետվություններն օգտագործողների՝ այդ ֆինանսական հաշվետվությունների հիման վրա կայացվող տնտեսական որոշումների վրա:

ԱՄՄ-ների համաձայն իրականացրած աուդիտի ողջ ընթացքում կիրառում ենք մասնագիտական դատողություն և պահպանում մասնագիտական կասկածամտություն: Ի լրումն՝

- հատկորոշում և գնահատում ենք խարդախության կամ սխալի հետևանքով ֆինանսական հաշվետվությունների էական խեղաթյուրման ռիսկերը, նախագծում և իրականացնում ենք աուդիտորական ընթացակարգեր՝ այդ ռիսկերին արձագանքելու նպատակով, և ձեռք ենք բերում աուդիտորական ապացույցներ, որոնք բավարար և համապատասխան հիմք են հանդիսանում մեր կարծիքի համար: Խարդախության հետևանքով առաջացած էական խեղաթյուրման չհայտնաբերման ռիսկն ավելի բարձր է, քան սխալի հետևանքով էական խեղաթյուրման չհայտնաբերման ռիսկը, քանի որ խարդախությունը կարող է ներառել հանցավոր համաձայնություն, զեղծարարություն, միտումնավոր բացթողումներ, սխալ ներկայացումներ կամ ներքին հսկողության համակարգի չարաշահում:
- ձեռք ենք բերում աուդիտին վերաբերող ներքին հսկողության մասին պատկերացում՝ տվյալ հանգամանքներին համապատասխան աուդիտորական ընթացակարգեր նախագծելու, և ոչ թե Հիմնադրամի ներքին հսկողության արդյունավետության վերաբերյալ կարծիք արտահայտելու համար:
- գնահատում ենք հաշվապահական հաշվառման կիրառված քաղաքականության տեղին լինելը, ինչպես նաև ղեկավարության կողմից կատարած հաշվապահական հաշվառման գնահատումների և կից բացահայտումների խելամտությունը:
- եզրահանգում ենք ղեկավարության կողմից հաշվապահական հաշվառման անընդհատության հիմունքի կիրառման տեղին լինելու վերաբերյալ, և հիմնվելով ձեռք բերված աուդիտորական ապացույցների վրա՝ գնահատում ենք՝ արդյոք առկա է էական անորոշություն դեպքերի կամ իրավիճակների վերաբերյալ, որոնք կարող են նշանակալի կասկած հարուցել Հիմնադրամի անընդհատ գործելու կարողության վրա: Եթե մենք եզրահանգում ենք, որ առկա է էական անորոշություն, ապա մեզանից պահանջվում է աուդիտորական եզրակացությունում ուշադրություն հրավիրել ֆինանսական հաշվետվությունների համապատասխան բացահայտումներին, կամ, եթե այդպիսի բացահայտումները բավարար չեն, ձևափոխել մեր կարծիքը: Մեր եզրահանգումները հիմնված են մինչև մեր եզրակացության ամսաթիվը ձեռք բերված աուդիտորական ապացույցների վրա: Սակայն, ապագա դեպքերը կամ իրավիճակները կարող են ստիպել Հիմնադրամին դադարեցնել անընդհատության հիմունքի կիրառումը:

«Կորպորատիվ կառավարման կենտրոն» հիմնադրամ
Ֆինանսական վիճակի մասին հաշվետվություն
2024թ. դեկտեմբերի 31-ի դրությամբ

‘000 դրամ	Ծանոթ.	31/12/24	31/12/23
Ակտիվներ			
Հիմնական միջոցներ	6	2,103	3,012
Իրական արժեքով՝ շահույթի կամ վնասի միջոցով չափվող ֆինանսական ակտիվներ	7	1,850	4,895
Հետաձգված հարկային ակտիվներ	18	754	252
Ընդամենը ոչ ընթացիկ ակտիվներ		4,707	8,159
Պաշարներ		91	91
Առևտրական և այլ դեբիտորական պարտքեր	8	290	340
Կանխավճարներ պաշարների և ծառայությունների համար		60	-
Այլ ընթացիկ հարկային ակտիվներ	9	96	494
Դրամական միջոցներ	10	1,779	1,874
Այլ ընթացիկ ակտիվներ	11	1,396	1,605
Ընթացիկ ակտիվներ		3,712	4,404
Ընդամենը ընթացիկ ակտիվներ		8,419	12,563
Սեփական կապիտալ և պարտավորություններ			
Կուտակված շահույթ	12	4,936	8,717
Ընդամենը սեփական կապիտալ		4,936	8,717
Ընդամենը ոչ ընթացիկ պարտավորություններ		-	-
Փոխառություններ	13	1,000	-
Առևտրական և այլ կրեդիտորական պարտքեր		14	84
Կանխավճարներ ծառայությունների համար		1,055	1,340
Շահութահարկի գծով պարտավորություն	9	-	385
Այլ ընթացիկ հարկային պարտավորություններ	9	2	502
Աշխատավարձի և այլ կարճ. հատուց-ի գծով պարտ-թյուններ		1,412	1,400
Ընթացիկ շնորհներ		-	135
Ընդամենը ընթացիկ պարտավորություններ		3,483	3,846
Ընդամենը սեփական կապիտալ և պարտավորություններ		8,419	12,563

Տնօրեն

Գլխավոր հաշվապահ
 «Նեքսիա Արմենիա» ՓԲԸ ներկայացուցիչ



Ն. Մելիքյան

Հ. Վարդանյան

**«Կորպորատիվ կառավարման կենտրոն» հիմնադրամ
Ֆինանսական արդյունքի մասին հաշվետվություն
2024թ. դեկտեմբերի 31-ին ավարտված տարվա համար**

<i>‘000 դրամ</i>	Ծանոթ.	2024	2023
Ծառայությունների մատուցումից հասույթ	14	2,130	5,190
Մատուցված ծառայությունների ինքնարժեք	14	(1,107)	(2,967)
Համախառն շահույթ		1,023	2,223
Շնորհներից եկամուտ	15	26,911	30,405
Ծրագրային ծախսեր	15	(27,075)	(30,388)
Նվիրատվությունից եկամուտ	15	2,600	5,300
Վարչական ծախսեր	16	(7,581)	(7,348)
Արտարժույթի փոխարժեքային տարբերություններից օգուտ		32	501
Ֆինանսական ակտիվների վերաչափումից օգուտ	7	263	334
Այլ ծախսեր	17	(456)	(7,670)
Վնաս մինչև հարկումը		(4,283)	(6,643)
Շահութահարկի գծով ծախս (փոխհատուցում)	18	502	(350)
Զուտ վնաս		(3,781)	(6,993)

Տնօրեն

Գլխավոր հաշվապահ
«Նեքսիա Արմենիա» ՓԲԸ ներկայացուցիչ



Ն. Մելիքյան

Հ. Վարդանյան

«Կորպորատիվ կառավարման կենտրոն» հիմնադրամ
Սեփական կապիտալում փոփոխությունների մասին հաշվետվություն
2024թ. դեկտեմբերի 31-ին ավարտված տարվա համար

‘000 դրամ	Ծանոթ.	Կուրակված շահույթ	Ընդամենը
Մնացորդը առ 31 դեկտեմբերի 2022թ.	12	15,710	15,710
Զուտ վնաս		(6,993)	(6,993)
Մնացորդը առ 31 դեկտեմբերի 2023թ.		8,717	8,717
Զուտ վնաս		(3,781)	(3,781)
Մնացորդը առ 31 դեկտեմբերի 2024թ.		4,936	4,936

Տնօրեն

Գլխավոր հաշվապահ
«Նեքսիա Արմենիա» ՓԲԸ ներկայացուցիչ



Ն. Մելիքյան

Հ. Վարդանյան

**«Կորպորատիվ կառավարման կենտրոն» հիմնադրամ
Դրամական հոսքերի մասին հաշվետվություն
2024թ. դեկտեմբերի 31-ին ավարտված տարվա համար**

‘000 դրամ	2024	2023
Գործառնական գործունեությունից դրամական հոսքեր		
ծառայությունների մատուցումից	2,895	6,220
դրամաշնորհներից	28,064	30,410
այլ մուտքեր	2,600	5,300
նյութերի, ապրանքների, ծառայությունների ձեռք բերումից	(8,834)	(13,575)
աշխատակիցներին (քաղ-իրավական ծառայություններ մատուցողներին) և նրանց անունից կատարված վճարումներ	(25,398)	(19,084)
շահութահարկի վճարումից	(627)	(520)
այլ հարկերի վճարումից	(527)	(6,215)
այլ արտահոսքեր	(114)	(90)
Գործառնական գործունեությունից դրամական զուտ հոսքեր	(1,941)	2,446
Ներդրումային գործունեությունից դրամական հոսքեր		
փայերի մարումից	3,221	-
ոչ ընթացիկ ակտիվների ձեռքբերումից	(377)	-
Ներդրումային գործունեությունից դրամական զուտ հոսքեր	2,844	-
Ֆինանսական գործունեությունից դրամական հոսքեր		
փոխառությունների ստացումից	1,000	-
փոխառությունների մարումից	-	(3,600)
Ֆինանսական գործունեությունից դրամական զուտ հոսքեր	1,000	(3,600)
Ընդամենը դրամական միջոցների զուտ հոսքեր	1,903	(1,154)
արտարժույթի փոխարժեքային տարբերություններ	(1,998)	(8)
Դրամական միջոցների մնացորդը առ 1 հունվարի	1,874	3,036
Դրամական միջոցների մնացորդը առ 31 դեկտեմբերի	1,779	1,874

Տնօրեն

Գլխավոր հաշվապահ
«Նեքսիա Արմենիա» ՓԲԸ ներկայացուցիչ



Ն. Մելիքյան

Հ. Վարդանյան

**«Կորպորատիվ կառավարման կենտրոն» հիմնադրամ
Ֆինանսական հաշվետվություններին կից ծանոթագրություններ**

1. Ընդհանուր տեղեկություններ

1.1. Նկարագիր և գործունեություն

«Կորպորատիվ կառավարման կենտրոն» հիմնադրամը (այսուհետև՝ Հիմնադրամ) ստեղծվել է 2001թ. դեկտեմբերի 13-ին կնքված «Կորպորատիվ կառավարման կենտրոն հիմնադրամի ստեղծման մասին» պայմանագրով՝ ՀՀ քաղաքացիական օրենսգրքի համաձայն: Հիմնադրամի նոր խմբագրությամբ կանոնադրությունը հաստատվել է 2005թ. մարտի 28-ին: 2007թ. դեկտեմբերի 7-ին կանոնադրության մեջ կատարվել են փոփոխություններ:

Հիմնադրամը հիմնադիրների կամավոր գույքային վճարի հիման վրա ստեղծված և անդամություն չունեցող, շահույթ ստանալու նպատակ չհետապնդող ոչ առևտրային կազմակերպություն է:

Հիմնադրամի գտնվելու վայրն է՝ ՀՀ. ք. Երևան, Գյուլբենկյան 30/3, գր. 129

Հիմնադրամը հաշվետու տարվա վերջի դրությամբ ունի մեկ աշխատող, քաղաքացիաիրավական պայմանագրերի շրջանակներում տարվա ընթացքում ներգրավվել է ևս 13 անձ:

1.2. Կառուցվածք և կառավարում

Հիմնադրամի հիմնադիրներն են ՀՀ քաղաքացիներ՝ Տիգրան Կարապետյանը և Աշոտ Եղիազարյանը:

Հիմնադրամի կառավարման բարձրագույն և գործունեության նկատմամբ վերահսկողություն իրականացնող մարմինը Հիմնադրամի հոգաբարձուների խորհուրդն է: Խորհրդի նախագահն է Տիգրան Կարապետյանը, անդամներ՝ Արթուր Խեբոյանը և Վահե Գարոյանը:

Հիմնադրամի բարձրագույն գործադիր ղեկավար պաշտոնատար անձը տնօրենն է, ով նշանակվում է Հիմնադրամի հոգաբարձուների խորհրդի կողմից: Հիմնադրամի տնօրենը իրականացնում է ընթացիկ գործառնություններ և հոգաբարձուների խորհրդի կողմից սահմանված այլ լիազորություններ:

2. ՓՄԿ-ների ՖՀՄՍ-ին համապատասխանությունը

Ֆինանսական հաշվետվությունները պատրաստվել են Հաշվապահական հաշվառման միջազգային ստանդարտների խորհրդի կողմից հրապարակված փոքր և միջին կազմակերպությունների ֆինանսական հաշվետվությունների միջազգային ստանդարտին (ՓՄԿ-ների ՖՀՄՍ) համապատասխան:

3. Ֆունկցիոնալ և ներկայացման արժույթները

ՀՀ արժույթը ՀՀ դրամն է, որը Հիմնադրամի ֆունկցիոնալ և ներկայացման արժույթն է:

Ֆինանսական տեղեկատվությունը ցույց է տրված հազար դրամներով՝ առանց ստորակետից հետո տասնորդական նիշի:

4. Հաշվապահական հաշվառման քաղաքականության նշանակալի մասերի համառոտ նկարագիրը

4.1. Չափման հիմունքները

Ֆինանսական հաշվետվությունները պատրաստվել են սկզբնական արժեքի հիմունքով: Սովորաբար սկզբնական արժեքը հիմնված է ակտիվի դիմաց տրված հատուցման իրական արժեքի վրա:

4.2. Ֆինանսական հաշվետվությունների կազմը

Ֆինանսական հաշվետվություններում ներառված են՝

ա) ֆինանսական վիճակի մասին հաշվետվություն՝ ժամանակաշրջանի վերջի դրությամբ: Ընթացիկ և ոչ ընթացիկ ակտիվներն ու պարտավորությունները ներկայացվում են առանձին դասակարգմամբ.

բ) ֆինանսական արդյունքի մասին մեկ հաշվետվություն՝ տվյալ ժամանակաշրջանի համար: Հիմնադրամը ներկայացնում է շահույթում կամ վնասում ճանաչված ծախսերի բաժանումը (վերլուծումը)՝ օգտագործելով դրանց գործառնության վրա հիմնված դասակարգումը.

գ) սեփական կապիտալում փոփոխությունների մասին հաշվետվություն՝ տվյալ ժամանակաշրջանի համար.

դ) դրամական հոսքերի մասին հաշվետվություն՝ տվյալ ժամանակաշրջանի համար: Գործառնական գործունեությունից առաջացող դրամական հոսքերի մասին տեղեկատվությունը ներկայացվում է՝ օգտագործելով ուղղակի մեթոդը: Վճարված հարկերը դասակարգվում են որպես գործառնական գործունեությունից առաջացող դրամական հոսքեր:

ե) ծանոթագրություններ, որոնք բաղկացած են հաշվապահական հաշվառման քաղաքականության նշանակալի մասերի համառոտ նկարագրից և այլ բացատրական տեղեկատվությունից.

**«Կորպորատիվ կառավարման կենտրոն» հիմնադրամ
Ֆինանսական հաշվետվություններին կից ծանոթագրություններ**

Ֆինանսական հաշվետվություններում բացահայտվում է ընթացիկ ժամանակաշրջանի ֆինանսական հաշվետվություններում ներկայացված բոլոր գումարների՝ նախորդ ժամանակաշրջանի (նախորդ տարի) համադրելի տեղեկատվությունը: Երբ Հիմնադրամը իր ֆինանսական հաշվետվություններում փոփոխում է հոդվածների ներկայացումը կամ դասակարգումը, ապա վերադասակարգում է համադրելի գումարները, բացի այն դեպքերից, երբ վերադասակարգումն անիրագործելի է:

4.3. Հիմնական միջոցներ

Սկզբնական չափում. Սկզբնական ճանաչման պահին հիմնական միջոցները չափվում են սկզբնական արժեքով: Ձեռք բերված հիմնական միջոցների միավորի սկզբնական արժեքն ընդգրկում է նրա գնման գինը՝ հանած առևտրային զեղչերը, ներկրման տուրքերը, չփոխհատուցվող հարկերը և պարտադիր այլ վճարները, տրանսպորտային ծախսումները, ինչպես նաև ակտիվն իր նպատակային օգտագործման համար աշխատանքային վիճակի բերելու հետ անմիջականորեն կապված ծախսումները:

Հետագա ծախսումներ. Հիմնական միջոցի միավորի վրա նոր բաղկացուցիչի ավելացման կամ հիմնական միջոցի միավորի բաղկացուցիչի փոխարինման ծախսումները ավելացվում են հիմնական միջոցի միավորի հաշվեկշռային արժեքին (կապիտալացվում են), եթե ակնկալվում է, որ դրա հետ կապված ապագա տնտեսական օգուտները կհոսեն դեպի Հիմնադրամ, և դրա արժեքը կարող է արժանահավատորեն չափվել: Հիմնական միջոցների փոխարինվող բաղկացուցիչները ենթակա են ապաճանաչման:

Հետագա չափում. Սկզբնական ճանաչումից հետո հիմնական միջոցները հաշվառվում են սկզբնական արժեքով՝ հանած կուտակված մաշվածությունը և արժեզրկումից կորուստները:

Մաշվածություն. Հիմնական միջոցի մաշվածության գումարն իր օգտակար ծառայության ընթացքում պարբերաբար բաշխվում է՝ կիրառելով մաշվածության հաշվարկման գծային մեթոդը: Յուրաքանչյուր ժամանակահատվածի համար հաշվարկված մաշվածության գումարը ճանաչվում է որպես ծախս, եթե այն չի ներառվում մեկ ուրիշ ակտիվի հաշվեկշռային արժեքի մեջ:

Օգտակար ծառայության ժամկետները. մեքենասարքավորումներ (համակարգչային տեխնիկա)՝ 1-5 տարի, տրանսպորտային միջոցներ՝ 8 տարի, այլ հիմնական միջոցներ՝ 5 տարի:

4.4. Հիմնական ֆինանսական գործիքներ

Քաղաքականության ընտրություն. Ֆինանսական գործիքների նկատմամբ Ընկերությունը կիրառում է ՓՄԿ-ների ՖՀՄՄ-ի 11-րդ և 12-րդ բաժինների պահանջներն ամբողջությամբ:

Հիմնական ֆինանսական գործիքներ են, մասնավորապես, առևտրական դեբիտորական և կրեդիտորական պարտքերը, դրամական միջոցները, ստացված փոխառությունները: Այլ ֆինանսական գործիքները փայերն են ներդրումային ֆոնդերում:

Սկզբնական ճանաչում. Ֆինանսական ակտիվը կամ ֆինանսական պարտավորությունը ճանաչվում է միայն այն դեպքում, երբ այն դառնում է գործիքի պայմանագրային կողմ:

Սկզբնական չափում. Երբ ֆինանսական ակտիվը կամ ֆինանսական պարտավորությունը սկզբնապես ճանաչվում է, այն չափվում է գործարքի գնով (ներառյալ գործարքի հետ կապված ծախսումները, բացի այն ֆինանսական ակտիվների և ֆինանսական պարտավորությունների սկզբնական չափման, որոնք հետագայում չափվում են իրական արժեքով՝ շահույթի կամ վնասի միջոցով), բացառությամբ եթե համաձայնությունն, ըստ էության, իրենից ներկայացնում է ֆինանսավորման գործարք՝ կամ գործարքի կողմ հանդիսացող կազմակերպություններից մեկի մոտ առաջացնելով ֆինանսական պարտավորություն, կամ կոնտրագենտի մոտ՝ ֆինանսական ակտիվ: Համաձայնությունը հանգեցնում է ֆինանսավորման գործարքի, եթե վճարումը հետաձգվում է ավելի, քան սովորական գործունեության համար ընդունված ժամկետները, օրինակ՝ անտոկոս կամ շուկայականից ցածր տոկոսադրույքով փոխառությունները: Եթե համաձայնությունը հանգեցնում է ֆինանսավորման գործարքի, ֆինանսական ակտիվը կամ ֆինանսական պարտավորությունը չափվում է ապագա վճարումների ներկա արժեքով՝ զեղչված համանման պարտքային գործիքի շուկայական տոկոսադրույքով, որը որոշվել էր սկզբնական ճանաչման պահին:

Ինքնարժեքով կամ ամորտիզացված արժեքով չափված ֆինանսական գործիքների հետագա չափում.

Յուրաքանչյուր հաշվետու ժամանակաշրջանի վերջի դրությամբ ֆինանսական գործիքները չափվում են ամորտիզացված արժեքով՝ կիրառելով արդյունավետ տոկոսադրույքի մեթոդը՝ առանց հանելու գործառնության հետ կապված որևէ ծախսում, որը Հիմնադրամը կարող է կրել վաճառքի կամ այլ օտարման դեպքում: Որպես ընթացիկ ակտիվներ կամ ընթացիկ պարտավորություններ դասակարգված պարտքային գործիքները չափվում են դրամական միջոցների կամ այլ հատուցման չզեղչված գումարով, որն ակնկալվում է, որ կվճարվի կամ կստացվի (այսինքն՝ արժեզրկումը հանած), բացառությամբ եթե համաձայնությունը հանգեցնում է ֆինանսավորման գործարքի:

Ամորտիզացված արժեք և արդյունավետ տոկոսադրույքի մեթոդ. Ֆինանսական ակտիվի կամ ֆինանսական պարտավորության ամորտիզացված արժեքը յուրաքանչյուր հաշվետու ամսաթվի դրությամբ ստորև նշվածների գուտ գումարն է՝ ա) գումարը, որով ֆինանսական ակտիվը կամ ֆինանսական պարտավորությունը չափվում է սկզբնական ճանաչման պահին, բ) հանած հիմնական գումարի ցանկացած մարումներ, գ) գումարած կամ հանած

**«Կորպորատիվ կառավարման կենտրոն» հիմնադրամ
Ֆինանսական հաշվետվություններին կից ծանոթագրություններ**

սկզբնական ճանաչման գումարի և մարման գումարի միջև ցանկացած տարբերության կուտակված ամորտիզացիան՝ հաշվարկված արդյունավետ տոկոսադրույքի մեթոդով, դ) հանած ֆինանսական ակտիվի արժեզրկման կամ անհավաքագրելիության գծով ցանկացած նվազեցում (ուղղակիորեն կամ կարգավորող հաշիվների օգտագործման միջոցով):

Արդյունավետ տոկոսադրույքը այն դրույքն է, որը ֆինանսական գործիքի գործողության ակնկալվող ժամկետի կամ, երբ տեղին է, ավելի կարճ ժամանակաշրջանի համար, գնահատված դրամական միջոցների ապագա վճարումները կամ ստացվելիք գումարները ճշգրտորեն զեղչում է մինչև ֆինանսական ակտիվի կամ ֆինանսական պարտավորության հաշվեկշռային արժեքը: Արդյունավետ տոկոսադրույքը որոշվում է ֆինանսական ակտիվի կամ ֆինանսական պարտավորության սկզբնական ճանաչման պահի դրությամբ հաշվեկշռային արժեքի հիման վրա: Արդյունավետ տոկոսադրույքի մեթոդի համաձայն՝ ա) ֆինանսական ակտիվի (պարտավորության) ամորտիզացված արժեքը ապագա դրամական մուտքերի (վճարումների) ներկա արժեքն է՝ զեղչված արդյունավետ տոկոսադրույքով:

բ) ժամանակաշրջանի տոկոսային ծախսը (եկամուտը) հավասար է ժամանակաշրջանի սկզբի դրությամբ ֆինանսական պարտավորության (ակտիվի) հաշվեկշռային արժեքի և ժամանակաշրջանի արդյունավետ տոկոսադրույքի արտադրյալին:

Ինքնարժեքով կամ ամորտիզացված արժեքով չափված ֆինանսական գործիքների արժեզրկում. Յուրաքանչյուր հաշվետու ժամանակաշրջանի վերջի դրությամբ Ընկերությունը գնահատում է՝ արդյոք առկա է ինքնարժեքով կամ ամորտիզացված արժեքով չափված որևէ ֆինանսական ակտիվի արժեզրկված լինելու անկողմնակալ վկայություն: Եթե առկա է արժեզրկված լինելու անկողմնակալ վկայություն, Ընկերությունը անմիջապես ճանաչում է արժեզրկումից կորուստ՝ շահույթում կամ վնասում:

Ֆինանսական ակտիվի կամ ակտիվների խմբի արժեզրկված լինելու անկողմնակալ վկայությունը ներառում է ակտիվի տիրապետողի ուշադրությանն արժանացած դիտարկելի տվյալները՝ հետևյալ կորստի դեպքերի վերաբերյալ՝ ա) թողարկողի կամ փոխառուի նշանակալի ֆինանսական դժվարությունները, բ) պայմանագրի խախտումը, օրինակ՝ տոկոսների կամ հիմնական գումարի չվճարումը կամ վճարման ուշացումը, գ) պարտապանի ֆինանսական դժվարությունների հետ կապված՝ տնտեսական կամ իրավական պատճառներով, պարտատիրոջ կողմից պարտապանին զիջումների տրամադրումը, որը այլապես պարտատերը չէր նախատեսի, դ) հավանական է դարձել, որ պարտապանը կսնանկանա կամ կենթարկվի այլ ֆինանսական վերակազմավորման, ե) դիտարկելի տվյալներ, որոնք վկայում են, որ ֆինանսական ակտիվների խմբի գծով, դրանց սկզբնական ճանաչումից հետո, առկա է գնահատված ապագա դրամական միջոցների հոսքերի չափելի նվազում, թեև դեռևս հնարավոր չէ որոշակիացնել այդ նվազումը խմբի առանձին ֆինանսական ակտիվների գծով:

Ինքնարժեքով կամ ամորտիզացված արժեքով չափված ֆինանսական ակտիվների արժեզրկումից կորուստը ակտիվի հաշվեկշռային արժեքի և ակտիվի սկզբնական արդյունավետ տոկոսադրույքով զեղչված՝ գնահատված դրամական միջոցների հոսքերի ներկա արժեքի միջև եղած տարբերությունն է: Եթե այդպիսի ֆինանսական գործիքն ունի փոփոխուն տոկոսադրույք, արժեզրկումից կորուստը չափելու նպատակով զեղչման դրույքը պայմանագրի համաձայն որոշված ընթացիկ արդյունավետ տոկոսադրույքն է:

Եթե հետագա որևէ ժամանակաշրջանում արժեզրկումից կորստի գումարը նվազում է, և նվազումը կարող է օբյեկտիվորեն կապված լինել արժեզրկումը ճանաչելուց հետո տեղի ունեցած որևէ դեպքի հետ, ապա Հիմնադրամը հակադարձում է նախկինում ճանաչված արժեզրկումից կորուստը կամ ուղղակիորեն, կամ կարգավորող հաշիվը ճշգրտելու միջոցով: Հակադարձումը չափեր է հանգեցնի այն բանին, որ ֆինանսական ակտիվի հաշվեկշռային արժեքը (բոլոր կարգավորող հաշիվները հանած) գերազանցի այն հաշվեկշռային արժեքը, որը կլիներ, եթե նախկինում արժեզրկումը ճանաչված չլիներ: Հակադարձման գումարը ճանաչվում է շահույթում կամ վնասում:

Փայեր ներդրումային ֆոնդում. Երբ այս ֆինանսական ակտիվը սկզբնապես ճանաչվում է, Հիմնադրամը չափում է այն դրա իրական արժեքով, որը սովորաբար գործարքի գինն է: Ներկայացվում է ֆինանսական վիճակի մասին հաշվետվությունում որպես «Իրական արժեքով՝ շահույթի կամ վնասի միջոցով չափվող ֆինանսական ակտիվներ»: Չափվում է ֆոնդի Կառավարիչի կողմից հրապարակվող զուտ ակտիվների արժեքի հիման վրա, որը իրականացվում է եռամսյակը մեկ անգամ: Յուրաքանչյուր հաշվետու ժամանակաշրջանի վերջի դրությամբ իրական արժեքում փոփոխությունները ճանաչվում են շահույթում կամ վնասում:

Առևտրական դեբիտորական պարտքեր. Հիմնական վաճառքները կատարվում են վճարման սովորական պայմանների հիմունքով, և դեբիտորական պարտքերը տոկոսակիր չեն: Երբ պարտքը հետաձգվում է վճարման սովորական պայմաններով նախատեսված ժամկետներից, դեբիտորական պարտքերը չափվում են ամորտիզացված արժեքով՝ կիրառելով արդյունավետ տոկոսադրույքի մեթոդը: Յուրաքանչյուր հաշվետու ժամանակաշրջանի վերջի դրությամբ առևտրական և այլ դեբիտորական պարտքերի հաշվեկշռային արժեքները վերլուծվում են՝ որոշելու համար, թե արդյոք առկա է որևէ անկողմնակալ վկայություն, որ գումարները փոխհատուցելի չեն: Եթե գումարները փոխհատուցելի չեն, արժեզրկումից կորուստը ճանաչվում է անմիջապես շահույթում կամ վնասում:

Արտարժույթով արտահայտված առևտրական դեբիտորական պարտքերը վերահաշվարկվում են դրամով՝ կիրառելով հաշվետու ամսաթվի դրությամբ գործող փոխարժեքը: Արտարժույթի փոխարժեքային օգուտները կամ վնասները ճանաչվում են շահույթում կամ վնասում:

Դրամական միջոցներ և դրանց համարժեքներ. Դրամական միջոցները դրամարկղում դրամական միջոցներն են և ապահանջ ամանոնետո: Դրամական միջոցների համարժեքները պահվում են կարճաժամկետ դրամական

**«Կորպորատիվ կառավարման կենտրոն» հիմնադրամ
Ֆինանսական հաշվետվություններին կից ծանոթագրություններ**

պարտավորությունները բավարարելու նպատակով, այլ ոչ թե ներդրման կամ այլ նպատակներով: Որպեսզի ներդրումները որակվեն որպես դրամական միջոցների համարժեքներ, դրանք պետք է լինեն ազատ փոխարկելի՝ նախապես հայտնի դրամական գումարներով, և դրանց արժեքի փոփոխման ռիսկը պետք է լինի ոչ նշանակալի: Հետևաբար, ներդրումները սովորաբար դասվում են դրամական միջոցների համարժեքների շարքին միայն այն դեպքում, եթե դրանք ունեն մարման կարճ ժամկետ, օրինակ՝ ձեռքբերման օրվանից երեք ամիս, կամ ավելի քիչ: Բանկային օվերդրաֆտները, որոնք ենթակա են ցպահանջ մարման, կազմում են Հիմնադրամի դրամական միջոցների կառավարման բաղկացուցիչ մասը և, որպես բաղադրիչ, դրամական հոսքերի մասին հաշվետվությունում ներառվում են դրամական միջոցներում և դրամական միջոցների համարժեքներում, իսկ ֆինանսական վիճակի մասին հաշվետվությունում՝ պարտավորություններում:

Առևտրական կրեդիտորական պարտքեր. Սկզբնական ճանաչման պահին առևտրական կրեդիտորական պարտքը չափվում է սկզբնական արժեքով (սկզբնական հաշվում նշված գումարով), բացառությամբ այն դեպքի, երբ կրեդիտորական պարտքը չի պարունակում ֆինանսավորման նշանակալի բաղադրիչ: Այս դեպքում կրեդիտորական պարտքը չափվում է գեղջված արժեքով:

Ստացված վարկեր և փոխառություններ. Սկզբնական ճանաչման պահին ստացված վարկը և փոխառությունը չափվում են իրական արժեքով և հետագայում չափվում են ամորտիզացված արժեքով՝ կիրառելով արդյունքային տոկոսադրույքի մեթոդը:

Սկզբնական ճանաչման պահին անտոկոս և ցածր տոկոսադրույքով ստացված ժամկետային փոխառության զեղջումից (իրական արժեքով չափումից) առաջացած զուտ արդյունքը (օգուտը) ճանաչվում է որպես սեփական կապիտալի այլ տարր, եթե ֆինանսական պարտավորությունը վերահսկող կողմի գծով է, և շահույթում կամ վնասում, եթե ֆինանսական պարտավորությունը այլ կողմերի գծով է:

Ֆինանսական պարտավորությունների ապաճանաչում. Հիմնադրամը ֆինանսական պարտավորությունը (կամ ֆինանսական պարտավորության մի մասը) ապաճանաչում է, երբ այն մարվում է, այսինքն՝ երբ պայմանագրում նշված պարտականությունը կատարվում է կամ չեղյալ է համարվում կամ ուժը կորցնում է: Ապաճանաչված ֆինանսական պարտավորության հաշվեկշռային արժեքի և վճարված կամ վճարվելիք հատուցման միջև տարբերությունը ճանաչվում է շահույթում կամ վնասում:

Գոյություն ունեցող փոխառուի և փոխատուի միջև նշանակալիորեն տարբերվող պայմաններով պարտքային գործիքների փոխանակությունը հաշվառվում է որպես սկզբնական ֆինանսական պարտավորության մարում և նոր ֆինանսական պարտավորության ճանաչում: Նմանապես, գոյություն ունեցող ֆինանսական պարտավորության կամ դրա մի մասի պայմանների նշանակալի վերափոխումը (անկախ այն բանից, արդյոք այն վերագրելի է փոխառուի ֆինանսական դժվարություններին) հաշվառվում է որպես սկզբնական ֆինանսական պարտավորության մարում և նոր ֆինանսական պարտավորության ճանաչում:

Ֆինանսական ակտիվների ապաճանաչում. Հիմնադրամը ապաճանաչում է ֆինանսական ակտիվը, երբ. (ա) ակտիվը մարվել է կամ ֆինանսական ակտիվից առաջացող դրամական հոսքերի նկատմամբ պայմանագրային իրավունքները կորցրել են իրենց ուժը կամ (բ) Հիմնադրամը փոխանցել է ֆինանսական ակտիվից դրամական հոսքերի նկատմամբ իրավունքները կամ կնքել է ակտիվների փոխանցման պայմանագիր, միաժամանակ (i) փոխանցելով ակտիվի սեփականության հետ կապված բոլոր էական ռիսկերն ու պարզևատրումները կամ (ii) չփոխանցելով և նաև չպահպանելով ակտիվի սեփականության հետ կապված բոլոր էական ռիսկերն ու հատույցները, սակայն չպահպանելով նաև ակտիվի նկատմամբ վերահսկողությունը: Վերահսկողությունը համարվում է պահպանված, եթե մյուս կողմը գործնականում չի կարող ակտիվն ամբողջությամբ վաճառել չփոխկապակցված երրորդ կողմի՝ առանց վաճառքի վրա լրացուցիչ սահմանափակումներ դնելու անհրաժեշտության: Ապաճանաչումից առաջացող օգուտը կամ կորուստը ճանաչվում է շահույթում կամ վնասում:

Ֆինանսական ակտիվների դուրսգրում. Ֆինանսական ակտիվները ամբողջությամբ կամ մասնակիորեն դուրս են գրվում, երբ Հիմնադրամը սպառել է դրանց հավաքագրելու բոլոր գործնական հնարավորությունները և եզրահանգել է, որ այդպիսի ակտիվների փոխհատուցման հետ կապված ակնկալիքները անհիմն են: Դուրսգրումը իրենից ներկայացնում է ապաճանաչում: Հիմնադրամը կարող է դուրս գրել ֆինանսական ակտիվները, չնայած այդ գումարների վերականգնման (ստացման) համար կիրառվում են հարկադրման միջոցներ, բայց ողջամիտ ակնկալիքներ չկան:

Հաշվանցում. Ֆինանսական ակտիվը և ֆինանսական պարտավորությունը հաշվանցվում են, և ֆինանսական վիճակի մասին հաշվետվությունում ներկայացվում են զուտ գումարով այն դեպքում, երբ Հիմնադրամը՝ ա) տվյալ պահին ունի ճանաչված գումարները հաշվանցելու իրավաբանորեն ամրագրված իրավունք, և բ) մտադիր է կամ հաշվարկը (մարումը) իրականացնել զուտ հիմունքով, կամ իրացնել ակտիվը և մարել պարտավորությունը միաժամանակ:

4.5. Պաշարներ

Պաշարները ներկայացված են ինքնարժեքի և հնարավոր իրացման զուտ արժեքի նվազագույնով: Պաշարների ինքնարժեքը ներառում է պաշարների ձեռքբերման ծախսումները և դրանց ներկա գտնվելու վայր և վիճակի բերելու հետ կապված այլ ծախսումներ:

4.6. Աշխատակիցների հատուցումներ

**«Կորպորատիվ կառավարման կենտրոն» հիմնադրամ
Ֆինանսական հաշվետվություններին կից ծանոթագրություններ**

Երբ աշխատակիցը հաշվետու ժամանակաշրջանի ընթացքում Հիմնադրամին մատուցել է ծառայություն, Հիմնադրամը աշխատակիցների կարճաժամկետ հատուցումների չզեղչված գումարը, որոնք ակնկալվում է վճարել այդ ծառայության դիմաց, ճանաչում է՝ ա) որպես պարտավորություն՝ արդեն վճարված գումարները հանելուց հետո: Եթե արդեն վճարված գումարը գերազանցում է հատուցումների չզեղչված գումարը, Հիմնադրամը ճանաչում է այդ տարբերությունը որպես ակտիվ՝ այն չափով, որով կանխավճարը կհանգեցնի, օրինակ, ապագա վճարումների կրճատման կամ դրամական միջոցների վերադարձի, և բ) որպես ծախս, բացառությամբ այն դեպքերի, երբ ստանդարտով պահանջվում կամ թույլատրվում է հատուցումների գումարը ներառել մեկ այլ ակտիվի արժեքի մեջ:

Հիմնադրամը փոխհատուցելի բացակայությունների ձևով աշխատակիցների հատուցումների ակնկալվող ծախսումները ճանաչում է՝ ա) կուտակվող փոխհատուցելի բացակայությունների դեպքում (օրինակ՝ տարեկան արձակուրդը)՝ այն ժամանակ, երբ աշխատակիցները ծառայություն են մատուցում, որն ավելացնում է իրենց իրավունքները ապագա փոխհատուցելի բացակայությունների նկատմամբ, և բ) չկուտակվող փոխհատուցելի բացակայությունների դեպքում (օրինակ՝ ժամանակավոր անաշխատունակությունը)՝ այն ժամանակ, երբ բացակայությունը տեղի է ունենում:

Հիմնադրամը կուտակվող փոխհատուցելի բացակայությունների գծով ակնկալվող ծախսումները չափում է որպես լրացուցիչ գումար, որը Հիմնադրամը ակնկալում է վճարել որպես հաշվապահական հաշվեկշռի ամսաթվի դրությամբ կուտակված չօգտագործված իրավունքների արդյունք:

4.7. Հասույթներ

Հասույթը չափվում է ստացված կամ ստացվելիք հատուցման իրական արժեքով:

Երբ ծառայությունների մատուցման գործարքի արդյունքը հնարավոր է արժանահավատորեն գնահատել, գործարքից հասույթը ճանաչվում է ֆինանսական հաշվետվության ամսաթվի դրությամբ գործարքի ավարտման աստիճանի հիման վրա: Գործարքի արդյունքը կարելի է արժանահավատորեն գնահատել, եթե բավարարվեն հետևյալ բոլոր պայմանները՝ ա) հնարավոր է արժանահավատորեն չափել հասույթի գումարը, բ) հավանական է, որ գործարքի հետ կապված տնտեսական օգուտները կհոսեն կազմակերպություն, գ) հնարավոր է արժանահավատորեն որոշել հաշվապահական հաշվեկշռի ամսաթվի դրությամբ գործարքի ավարտման աստիճանը, և դ) հնարավոր է արժանահավատորեն որոշել գործարքի կատարման ժամանակ արված և գործարքն ավարտելու համար անհրաժեշտ ծախսումները:

Գործարքի ավարտվածության աստիճանը որոշվում է ներքոթվարկյալ մեթոդներից որևէ մեկով (Հիմնադրամը կիրառում է այն մեթոդը, որով հնարավոր է առավել արժանահավատորեն չափել մատուցված ծառայությունները)՝ ա) կատարված աշխատանքների ուսումնասիրություն, բ) տվյալ ամսաթվի դրությամբ մատուցված ծառայությունների ծավալի և մատուցվելիք ծառայությունների ամբողջ ծավալի հարաբերակցություն, կամ գ) տվյալ ամսաթվի դրությամբ կատարված ծախսումների և գործարքի գնահատված ընդհանուր ծախսումների ծավալի հարաբերակցությունը:

Երբ ծառայությունների մատուցման գործարքի արդյունքը հնարավոր չէ արժանահավատորեն գնահատել, հասույթը ճանաչվում է միայն ճանաչված այն ծախսերի չափով, որոնք կփոխհատուցվեն:

4.8. Շնորհներ

Շնորհները չեն ճանաչվում Հիմնադրամի կողմից, քանի դեռ առկա չէ հիմնավորված երաշխիք, որ Հիմնադրամը կատարելու է դրան կից պայմանները և շնորհները ստացվելու են: Շնորհները Հիմնադրամում ճանաչվում են որպես եկամուտ սխտեմատիկ և ռացիոնալ հիմունքով այն ժամանակաշրջանում, որի ընթացքում նրանք փոխհատուցում են համապատասխան ծախսումները, որոնց համար ստացվել են:

Շնորհները պետք է ճանաչի հետևյալ կերպ՝

ա) շնորհը, որը չի սահմանում որոշակի ապագա պայմանների կատարում, ճանաչվում է եկամտում, երբ շնորհի գծով մուտքերը ստացման ենթակա են:

բ) շնորհը, որը սահմանում է որոշակի ապագա պայմանների կատարում, ճանաչվում է եկամտում միայն, երբ պայմանների կատարումը բավարարվում է:

գ) ստացված շնորհները, նախքան հասույթի ճանաչման չափանիշները բավարարելը, ճանաչվում են որպես պարտավորություն:

Չափում. Շնորհները չափվում են ստացված կամ ստացվելիք ակտիվի իրական արժեքով:

4.9. Արտարժույթի փոխանակման փոխարժեքի փոփոխությունների հետևանքները

Արտարժույթով իրականացված գործարքները փոխարկվում են Դրամի՝ գործարքի օրվա դրությամբ սահմանված փոխարժեքով: Որպես փոխարժեք ընդունվում է Հայաստանի Հանրապետության Կենտրոնական բանկի կողմից հրապարակված տվյալ օրվա միջին փոխարժեքը: Հաշվետու ամսաթվի դրությամբ.

ա) արտարժույթով դրամային հոդվածները ներկայացվում են (վերահաշվարկվում են)՝ կիրառելով փակման (հաշվետու ամսաթվի) փոխարժեքը,

**«Կորպորատիվ կառավարման կենտրոն» հիմնադրամ
Ֆինանսական հաշվետվություններին կից ծանոթագրություններ**

բ) արտարժույթով սահմանված ոչ դրամային հոդվածները, որոնք հաշվառվում են սկզբնական արժեքով, ներկայացվում են գործարքի օրվա փոխարժեքով:

Արտարժույթի փոխարժեքային տարբերություններից օգուտը կամ վնասը, որոնք առաջանում են արտարժույթով գործարքների մարման կամ հաշվետու ամսաթվի դրությամբ սահմանված փոխարժեքով դրամային հոդվածների վերագնահատման արդյունքում, ճանաչվում են ֆինանսական արդյունքներում:

4.10. Սխալներ

Հիմնադրամը ուղղում է նախորդող ժամանակաշրջանի էական սխալները հետընթաց՝ դրանց հայտնաբերումից հետո հրապարակման համար հաստատված առաջին ֆինանսական հաշվետվությունների փաթեթում՝ ա) վերահաշվարկելով ներկայացված այն նախորդող ժամանակաշրջանի (ժամանակաշրջանների) համեմատելի գումարները, որոնցում տեղի է ունեցել սխալը, կամ բ) եթե սխալը տեղի է ունեցել նախքան մինչև ներկայացված ամենավաղ ժամանակաշրջանը, ապա ակտիվների, պարտավորությունների և սեփական կապիտալի սկզբնական մնացորդները վերահաշվարկելով ներկայացված նախորդող ամենավաղ ժամանակաշրջանի համար:

Հետընթաց վերահաշվարկման սահմանափակումներ. Նախորդող ժամանակաշրջանի սխալը պետք է ուղղվի հետընթաց վերահաշվարկմամբ, բացառությամբ երբ անիրագործելի է կոնկրետ ժամանակաշրջանի վրա սխալի հետևանքների կամ դրա կուտակային հետևանքների որոշումը:

Եթե անիրագործելի է որոշել մեկ կամ ավելի նախորդող ժամանակաշրջաններ ներառող հաշվետվություններում ներկայացված համադրելի տեղեկատվության վրա կոնկրետ ժամանակակաշրջանին վերաբերող սխալի հետևանքները, ապա Հիմնադրամը վերահաշվարկում է այն ամենավաղ ժամանակաշրջանի (որը կարող է լինել ընթացիկ ժամանակաշրջանը) ակտիվների, պարտավորությունների և սեփական կապիտալի սկզբնական մնացորդները, որի համար հետընթաց վերահաշվարկումն իրագործելի է:

Եթե ընթացիկ ժամանակաշրջանի սկզբի դրությամբ բոլոր նախորդող ժամանակաշրջաններին վերաբերող սխալի կուտակային հետևանքի որոշումն անիրագործելի է, ապա Հիմնադրամը վերահաշվարկում է համադրելի տեղեկատվությունը՝ հնարավոր ամենավաղ ամսաթվից սկսած՝ սխալն առաջընթաց ուղղելու համար:

5. Հաշվապահական կարևոր դատողությունները և գնահատման անորոշության հիմնական աղբյուրները

ՓՄԿ-ների ՖՀՄՍ-ին համապատասխան ֆինանսական հաշվետվությունների կազմումը ղեկավարությունից պահանջում է կատարել դատողություններ, գնահատումներ և ենթադրություններ, որոնք նշանակալի ազդեցություն են թողնում ֆինանսական հաշվետվություններում ճանաչված գումարների վրա: Գնահատումները և հիմքում ընկած ենթադրությունները պարբերաբար վերանայվում են:

Անընդհատության հիմունք. Ղեկավարությունը պատրաստել է սույն ֆինանսական հաշվետվությունները անընդհատության հիմունքի հիման վրա: Ղեկավարության այս դատողությունները հիմնված են Հիմնադրամի ֆինանսական վիճակի, ընթացիկ պլանների, ինչպես նաև ֆինանսական ռեսուրսների մատչելիության վերլուծության հիման վրա:

*«Կորպորատիվ կառավարման կենտրոն» հիմնադրամ
Ֆինանսական հաշվետվություններին կից ծանոթագրություններ*

6. Հիմնական միջոցներ

<i>‘000 դրամ</i>	<i>Տրանսպորտային միջոցներ</i>	<i>Մեքենասարքավորումներ</i>	<i>Այլ հիմնական միջոցներ</i>	<i>Ընդամենը</i>
Համախառն հաշվեկշռային արժեք				
31 դեկտեմբերի 2022թ.	13,600	607	28	14,235
Ավելացում	-	-	-	-
Դուրս գրում	-	-	-	-
31 դեկտեմբերի 2023թ.	13,600	607	28	14,235
Ավելացում	-	377	-	377
Դուրս գրում	-	-	-	-
31 դեկտեմբերի 2024թ.	13,600	984	28	14,612
Կուտակված մաշվածություն				
31 դեկտեմբերի 2022թ.	9,460	607	28	10,095
Տարեկան մաշվածություն	1,128	-	-	1,128
31 դեկտեմբերի 2023թ.	10,588	607	28	11,223
Տարեկան մաշվածություն	1,128	157	-	1,285
31 դեկտեմբերի 2024թ.	11,717	764	28	12,509
Հաշվեկշռային արժեք				
31 դեկտեմբերի 2022թ.	4,140	-	-	4,140
31 դեկտեմբերի 2023թ.	3,012	-	-	3,012
31 դեկտեմբերի 2024թ.	1,883	220	-	2,103

Այլ. Դեռևս օգտագործման մեջ գտնվող, սակայն լրիվ մաշվածությունը հաշվարկված հիմնական միջոցների համախառն հաշվեկշռային արժեքը 2024թ-ի տարեվերջին կազմում է 4,635 հազար դրամ (2023թ-ին՝ 4,635 հազար դրամ):

Հիմնական միջոցների ձեռք բերման պայմանագրային պարտավորություններ չկան:

7. Իրական արժեքով՝ շահույթի կամ վնասի միջոցով չափվող ֆինանսական ակտիվներ

	<i>Մնացորդ 31.12.2024թ.</i>	<i>Մնացորդ 31.12.2023թ.</i>
Փայեր /Կապիտալ ասեթ մենեջմենթ - ԿԱՄ ԲԻԻՋ ներդրումային ֆոնդ II/	1,850	4,895

Ֆինանսական ակտիվի վերաչափումը կատարվում է ֆոնդի Կառավարիչի կողմից հրապարակվող զուտ ակտիվների արժեքի հիման վրա, որը իրականացվում է եռամսյակը մեկ անգամ: Յուրաքանչյուր հաշվետու ժամանակաշրջանի վերջի դրությամբ իրական արժեքում փոփոխությունները ճանաչվում են շահույթում կամ վնասում:

Փայերի գնահատված արժեքը 31.12.2024թ. դրությամբ կազմել է 4,665 ԱՄՆ դոլար (փայերի քանակ՝ 33, փայի հաշվարկային արժեք՝ 141.3 ԱՄՆ դոլար), 31.12.2023թ.՝ 12,094 ԱՄՆ դոլար (փայերի քանակ՝ 90.3, փայի հաշվարկային արժեք՝ 133,9 ԱՄՆ դոլար):

Փայերի գնահատված արժեքը 29.11.2024թ. դրությամբ կազմել է 12,757 ԱՄՆ դոլար (փայերի քանակ՝ 90.3, փայի հաշվարկային արժեք՝ 141.3 ԱՄՆ դոլար): 02.12.2024թ.-ին մարվել է 57.3 փայ, 1 փայի արժեքը 141.3 ԱՄՆ դոլար, ընդհանուր 8,096 ԱՄՆ դոլար արժեքով:

**«Կորպորատիվ կառավարման կենտրոն» հիմնադրամ
Ֆինանսական հաշվետվություններին կից ծանոթագրություններ**

Հիմնադրամի հոգաբարձուների խորհրդի նախագահը հսկողություն է իրականացնում Ֆոնդի կառավարչի նկատմամբ, որի մեջ Հիմնադրամը ունի 90.3 փայ ներդրում:

8. Առևտրական և այլ դեբիտորական պարտքեր

<i>‘000 դրամ</i>	<i>Մնացորդ 31.12.2024թ.</i>	<i>Մնացորդ 31.12.2023թ.</i>
Ընդամենը, այդ թվում՝	290	340
• ծառայությունների գծով	290	340

9. Հարկեր

<i>‘000 դրամ</i>	<i>Մնացորդ 31.12.2024թ.</i>		<i>Մնացորդ 31.12.2023թ.</i>	
	<i>կանխավճար</i>	<i>պարտա- վորություն</i>	<i>կանխավճար</i>	<i>պարտա- վորություն</i>
Ընդամենը, այդ թվում՝	96	2	494	887
• եկամտային հարկ	68	-	-	262
• ռեզիդենտի շահութահարկ	-	-	-	385
• ոչ ռեզիդենտի շահութահարկ	-	-	-	213

10. Դրամական միջոցներ

	<i>Մնացորդ 31.12.2024թ.</i>				<i>Մնացորդ 31.12.2023թ.</i>			
	<i>Եվրո</i>	<i>ԱՄՆ դոլար</i>	<i>Անգլ. ֆունտ</i>	<i>‘000 դրամ</i>	<i>Եվրո</i>	<i>ԱՄՆ դոլար</i>	<i>Անգլ. ֆունտ</i>	<i>‘000 դրամ</i>
Ընդամենը, այդ թվում՝	2	2,081	1,680	1,779	2	10	2,400	1,874
• բանկում՝ արժույթով	-	-	-	114	-	-	-	632
• բանկում՝ արտարժույթով	2	2,081	1,680	1,665	2	10	2,400	1,242

11. Այլ ընթացիկ ակտիվներ

<i>‘000 դրամ</i>	<i>Մնացորդ 31.12.2024թ.</i>	<i>Մնացորդ 31.12.2023թ.</i>
Ընդամենը, այդ թվում՝	1,396	1,605
• դրամաշնորհի գծով փոխհատուցման ենթակա գումար	1,396	1,605

Դրամաշնորհային ծրագրերի ֆինանսավորումն իրականացվում է հիմնական դրամաշնորհատու Center for International Private Enterprise կազմակերպության կողմից:

12. Սեփական կապիտալ

Կուտակված շահույթ. Այս հոդվածում ներառվել են նախորդ տարիների կուտակված շահույթը՝ 8,717 հազար դրամ և հաշվետու տարվա զուտ վնասը՝ 3,781 հազար դրամ:

13. Փոխառություններ

<i>‘000 դրամ</i>	<i>Մնացորդ առ 31.12.2024թ.</i>	<i>Մնացորդ առ 31.12.2023թ.</i>
Ընդամենը, այդ թվում՝	1,000	-
• կարճաժամկետ	1,000	-
կապակցված կողմերի գծով	1,000	-

**«Կորպորատիվ կառավարման կենտրոն» հիմնադրամ
Ֆինանսական հաշվեպշություններին կից ծանոթագրություններ**

Փոխառությունները անտոկոս են, ստացվել են Հիմնադրամի հոգաբարձուների խորհրդի նախագահից:

14. Ծառայությունների մատուցում

‘000 դրամ	2024թ.			2023թ.		
	Հասույթ	Ինքնարժեք	Շահույթ	Հասույթ	Ինքնարժեք	Շահույթ
Ընդամենը, այդ թվում՝	2,130	(1,107)	1,023	5,190	(2,967)	2,223
• փորձագիտական, խորհրդատվական ծառայություններ	2,130	(1,107)	1,023	5,190	(2,967)	2,223

15. Շնորհներ, նվիրատվություն

Շնորհներից եկամուտ

‘000 դրամ	2024	2023
Ընդամենը, այդ թվում՝	26,911	30,405
• ընթացիկ շնորհներից	26,911	30,405

Ծրագրային ծախսեր

‘000 դրամ	2024	2023
Ընդամենը, այդ թվում՝	(27,075)	(30,388)
• աշխատավարձի և քաղ-իրավական ծառայությունների գծով ծախսեր	(21,155)	(21,190)
• սեմինարների մասնակցության և այլ ծախսեր	(5,920)	(9,198)

Նվիրատվությունից եկամուտ

2024թ.-ին նվիրատվության պայմանագրի հիման վրա հոգաբարձուների խորհրդի նախագահը Հիմնադրամին փոխանցել է 2,600 հազար ՀՀ դրամ:

16. Վարչական ծախսեր

‘000 դրամ	2024	2023
Ընդամենը, այդ թվում՝	(7,581)	(7,348)
• աշխատավարձի գծով ծախսեր	(3,596)	(3,823)
• մաշվածության ծախսեր	(1,285)	(1,128)
• աուդիտորական, խորհրդատվական ծախսեր	(2,090)	(1,884)

17. Այլ ծախսեր

‘000 դրամ	2024	2023
Այլ եկամուտներ (ծախսեր), այդ թվում՝	(456)	(7,670)
• այլ ընթացիկ ակտիվի ապաճանաչումից (ծանոթ. 11)	-	(7,383)
• բանկային ծառայություններ	(214)	(305)

**«Կորպորատիվ կառավարման կենտրոն» հիմնադրամ
Ֆինանսական հաշվետվություններին կից ծանոթագրություններ**

18. Շահութահարկ

‘000 դրամ	2024	2023
• շահույթ (վնասում) ճանաչված շահութահարկի գումար, այդ թվում՝	502	(350)
o ընթացիկ հարկի գծով	-	(385)
o հետաձգված հարկի գծով	502	35

‘000 դրամ

Հարկի գործող միջին դրույքի և հարկի կիրառվող դրույքի թվային համադրում

	2024	2023
Հարկի կիրառվող դրույք	18%	18%
Վնաս մինչև հարկումը	(4,283)	(6,643)
Չնվազեցվող ծախսեր/չհարկվող եկամուտներ	4,283	4,503
Հարկվող շահույթը	-	2,140
Ընթացիկ հարկ	-	385
Հարկի գործող միջին դրույքը	-	-

Ճանաչված հետաձգված հարկային ակտիվներ

‘000 դրամ

	Նվազեցվող (հանվող) ժամանակավոր տարբերություն	
	2024	2023
Կուտակված հարկային վնաս	2,776	-
Աշխատավարձի և այլ կարճ.հատուցումների գծով պարտավորություններ	1,413	1,400
Ընդամենը	4,189	1,400
Հարկի դրույքը	18%	18%
Հետաձգված հարկային ակտիվ	754	252

«Կուտակված հարկային վնաս» հոդվածում ժամանակավոր տարբերությունն առաջացել է հաշվետու տարվա հարկային վնասներից: «Աշխատավարձի և այլ կարճաժամկետ հատուցումների գծով պարտավորություն» հոդվածում ժամանակավոր տարբերությունն առաջացել է աշխատակիցների կուտակվող փոխհատուցելի բացակայությունների գծով:

Չկան որևէ նվազեցվող (հանվող) ժամանակավոր տարբերություններ, չօգտագործված հարկային վնասներ և չօգտագործված հարկային զեղչեր, որոնց համար ֆինանսական վիճակի մասին հաշվետվությունում չի ճանաչվել որևէ հետաձգված հարկային ակտիվ:

19. Ֆինանսական գործիքներ

Բնականոն գործունեության ընթացքում Հիմնադրամը հակված է ֆինանսական տարբեր ռիսկերի՝ շուկայական ռիսկի (ներառյալ՝ արժույթային ռիսկի, տոկոսադրույքային ռիսկի, այլ գնային ռիսկի), իրացվելիության ռիսկի և պարտքային ռիսկի: Հիմնադրամը չի կիրառում ածանցյալ գործիքներ հեջավորելու նշված ռիսկերը:

19.1 Շուկայական ռիսկ

Արժույթային ռիսկ. Արժույթային ռիսկը այն ռիսկն է, երբ ֆինանսական գործիքի իրական արժեքը կամ ապագա դրամական հոսքերը տատանվում են արտարժույթի փոխարժեքների փոփոխությունների հետևանքով: Արժույթային ռիսկին Հիմնադրամի հակվածությունը կապված է ֆունկցիոնալ արժույթից տարբեր արժույթով արտահայտված առևտրային գործարքներին, ճանաչված ակտիվների և պարտավորությունների հետ: Արժույթները, որոնք հիմնականում առաջացնում են նման ռիսկ, հետևյալն են՝ ԱՄՆ դոլար, Եվրո:

**«Կորպորատիվ կառավարման կենտրոն» հիմնադրամ
Ֆինանսական հաշվետվություններին կից ծանոթագրություններ**

Հիմնադրամը ունի արտարժույթով գնանշված հետևյալ ֆինանսական գործիքները.

Հոդված	USD		EUR		GBP	
	2024	2023	2024	2023	2024	2023
Ընթացիկ ակտիվներ						
Ֆինանսական ակտիվներ	4,665	12,094	-	-	-	-
Դրամական միջոցներ	2,081	9	2	2	1,680	2,400
Պարտավորություններ						
	-	-	-	-	-	-
Զույգ հաշվեկշիռ	6,746	12,103	2	2	1,680	2,400

Որպես սփոթ փոխանակման փոխարժեք ընդունվում է արժույթային շուկայում ձևավորված արտարժույթների միջին փոխարժեքը՝ 31.12.2024թ. դրությամբ 1 Եվրո- 413.89 դրամ (31.12.2023թ – 447.9 դրամ), 1 ԱՄՆ դոլար- 396.56 դրամ (31.12.2023թ – 404.79 դրամ):

Տոկոսադրույքային ռիսկ. Տոկոսադրույքային ռիսկը այն ռիսկն է, որ ֆինանսական գործիքի իրական արժեքը կամ ապագա դրամական հոսքերը կտատանվեն՝ շուկայական տոկոսադրույքների փոփոխության հետևանքով: Հաշվետու ամսաթվով Հիմնադրամը չունի ստացված կամ տրված փոխառություններ, կամ այլ ֆինանսական ակտիվներ կամ պարտավորություններ, որոնք հակված են տոկոսադրույքային ռիսկի:

Այլ գնային ռիսկ. Գնային ռիսկը այն ռիսկն է, երբ ֆինանսական գործիքի իրական արժեքը կամ ապագա դրամական հոսքերը տատանվում են շուկայական գների փոփոխության արդյունքում (բացի տոկոսադրույքային ռիսկից և արժույթային ռիսկից առաջացողներից): Ղեկավարությունը գնահատում է, որ հաշվետու ամսաթվի դրությամբ ֆինանսական ակտիվների և պարտավորությունների իրական արժեքը էականորեն չի տարբերվում նրանց հաշվեկշռային արժեքից:

19.2 Պարտքային ռիսկ

Պարտքային ռիսկը այն ռիսկն է, երբ գործընկերների կողմից Հիմնադրամի նկատմամբ իրենց պարտավորությունների չկատարելու արդյունքում, Հիմնադրամը կարող է կրել ֆինանսական կորուստներ: Պարտքային ռիսկը առաջանում է բանկային մնացորդներից, առևտրական դեբիտորական պարտքերից: Հիմնադրամի առևտրական դեբիտորական պարտքերը հիմնականում առաջանում են փորձագիտական, խորհրդատվական ծառայություններից:

19.3 Իրացվելիության ռիսկ

Իրացվելիության ռիսկը այն ռիսկն է, երբ Հիմնադրամը դժվարություններ է ունենում այն ֆինանսական պարտավորությունների հետ կապված իր պարտականությունները կատարելիս, որոնք մարվելու են՝ դրամական միջոց կամ այլ ֆինանսական ակտիվներ տրամադրելով:

Իրացվելիության ռիսկի կառավարման նպատակով Հիմնադրամը պատրաստում է դրամական հոսքերի տարեկան նախահաշիվներ: Հիմնադրամի դրամական հոսքերի կանխատեսումների մեջ ներառվում են հիմնադիրներից ստացվելիք շնորհները և այլ հատկացումները:

20. Պայմանականություններ

20.1. Ապահովագրություն

Հիմնադրամը ապահովագրված չէ գործունեության ընդհատման և երրորդ կողմերի նկատմամբ պարտավորությունների հանդեպ, որոնք կարող են առաջանալ գույքին կամ շրջակա միջավայրին վնաս հասցնելուց առաջացած Հիմնադրամի տարածքում տեղի ունեցած պատահարների կամ վերջինիս գործունեության հետևանքով: Քանի դեռ Հիմնադրամը համապատասխան ձևով ապահովագրված չէ, գոյություն ունի ռիսկ, որ որոշակի ակտիվների կորուստը կամ ոչնչացումը կարող է անբարենպաստ նյութական ազդեցություն ունենալ Հիմնադրամի գործունեության և ֆինանսական վիճակի վրա:

20.2. Երաշխիքներ

**«Կորպորատիվ կառավարման կենտրոն» հիմնադրամ
Ֆինանսական հաշվետվություններին կից ծանոթագրություններ**

Չկան Հիմնադրամի կողմից տրամադրված և (կամ) ստացված երաշխիքներ:

21. Կապակցված կողմերի բացահայտում

Կապակցված կողմերի փոխհարաբերությունների բնույթը

Անվանումը	Բնույթը
«Կապիտալ Ասեթ Մենեջմենթ» ՓԲԸ	Բաժնետերը հանդիսանում է Հիմնադրամի հոգաբարձուների խորհրդի նախագահը
Տիգրան Կարապետյան	Խորհրդի նախագահ
Արթուր Խեբոյան	Խորհրդի անդամ
Վահե Գարոյան	Խորհրդի անդամ

Կապակցված կողմերի հետ գործարքներ

‘000 դրամ	Ստացված փոխառություններ	Այլ պարտավորություններ
Ծանոթ.	13	
Մնացորդ 31.12.2023թ.	-	-
Ավելացում	1,000	4,914
Նվազեցում	-	(4,914)
Մնացորդ 31.12.2024թ.	1,000	-

Կապակցված կողմերի հետ այլ գործարքները ներկայացված են ծանոթագրություն 7, 15-ում:

Առանցքային կառավարչական անձնակազմին հատուցումներ. Առանցքային կառավարչական անձնակազմին կարճաժամկետ հատուցումները (աշխատավարձ) 2024թ. կազմել է 16,501 հազար դրամ և 2023թ.՝ 15,350 հազար դրամ: Առանցքային կառավարչական անձնակազմին այլ հատուցումներ չեն եղել:

22. Հաշվետու ժամանակաշրջանից հետո տեղի ունեցող դեպքեր

Ճշգրտող դեպքեր կամ էական չճշգրտող դեպքեր տեղի չեն ունեցել հաշվետու ամսաթվից (31.12.2024թ) հետո մինչև վավերացման ամսաթիվը (23.06.2025թ.) ընկած ժամակահատվածում:

23. Ֆինանսական հաշվետվությունների վավերացում

Ֆինանսական հաշվետվությունները ստորագրվել են հրապարակման համար 2025թ. հունիսի 23-ին՝ տնօրեն Ն. Մելիքյանի և գլխավոր հաշվապահ «Նեքսիա Արմենիա» ՓԲԸ-ի ներկայացուցիչ Հ.Վարդանյանի կողմից:

Տնօրեն

Գլխավոր հաշվապահ
«Նեքսիա Արմենիա» ՓԲԸ ներկայացուցիչ



Ն. Մելիքյան

Հ. Վարդանյան